



Na osnovu člana 2. Odluke o načinu predlaganja predstavnika iz Bosne i Hercegovine u komitete, odbore i druga međunarodna tijela za ljudska prava, ("Službeni glasnik Bosne i Hercegovine", broj: 18/08), Ministarstvo za ljudska prava i izbjeglice Bosne i Hercegovine, objavljuje ponovni i dopunjeni

JAVNI POZIV

I

Bosna i Hercegovina ima obavezu da predloži nezavisne eksperte u komitete, odbore i druga međunarodna tijela za ljudska prava, i to:

1. Komitet za ukidanje rasne diskriminacije,
2. Evropsku komisiju protiv rasizma i netolerancije,
3. Savjetodavni komitet Okvirne konvencija za zaštitu nacionalnih manjina,
4. Evropski komitet za sprječavanje mučenja i nehumanog degradirajućeg tretmana,
5. Komitet za zaštitu prava svih radnika migranata i članova njihovih porodica i
6. Komitet za eliminisanje diskriminacije žena.

Listu kandidata koji će biti predloženi iz Bosne i Hercegovine za članove navedenih međunarodnih tijela potvrdit će Vijeće ministara BiH.

II

Kandidati predloženi iz Bosne i Hercegovine u nadležna tijela UN-a i Vijeća Evrope, treba da ispunjavaju sljedeće opće uslove:

- a) da su državljani Bosne i Hercegovine,
- b) da posjeduju odgovarajući stepen obrazovanja (visoka stručna sprema) i odgovarajuće stručno znanje i iskustvo za pravilno vršenje funkcije,
- c) da se na kandidate ne odnosi član IX tačka 1. Ustava Bosne i Hercegovine,
- d) da posjeduju priznate kompetencije iz oblasti ljudskih prava, visok moralni ugled, nezavisnost u radu, akademska obrazovanja iz oblasti ljudskih prava, rukovodno iskustvo u oblasti ljudskih prava na državnom, regionalnom ili međunarodnom nivou, poznavanje sistema rada, mandata i politika UN, Vijeća Evrope i drugih međunarodnih tijela za ljudska prava, poznavanje međunarodnih instrumenata iz oblasti ljudskih prava, normi, disciplina, različitih legislativnih sistema i civilizacija, profesionalno znanje jednog od radnih jezika UN-a.

III

Za svaku poziciju iz Bosne i Hercegovine predložit će se po tri kandidata, od kojih će jedan biti izabran u sastav nadležnog međunarodnog tijela za ljudska prava.

IV

Pozivaju se zainteresovani da prijave sa potrebnom dokumentacijom **dostave u roku od osam dana od dana objavljivanja Javnog poziva**, putem pošte preporučeno, na adresu:

Ministarstvo za ljudska prava i izbjeglice ul. Trg BiH, br.1, sa naznakom za Javni poziv.